

NOTICIA DI
GOBIERNO

ISLA((•))NLINE

20
22

Diaranson 31 Augustus 2022

Email: IslaOnline@gobierno.aw Tel: 528-4952



Gabinete Wever - Croes II

2022

**AÑA DI INVERSION
Y OPORTUNIDAD**

2022
AÑA DI INVERSION
Y OPORTUNIDAD

ARUBA MESTER DI E ESFUERSO DI NOS TUR PA RECUPARA

PROME MINISTER
Evelyn Wever-Croes



Ta conoci cu 99% di abuso sexual di mucha, e abusador ta famia of conoci. Un persona hopi yega na e famia cu e mucha ta confia. Personanan cu mayornan ta confia cu e cuida di nan yiunan. Pa nos combati e crueldad enorme aki contra un mucha, nos tur mester haci'e. Nos por cuminsa pa evita 99% di e casonan aki door di wak miho cu kende nos ta laga nos yiunan y reconoce señalnan den e mucha of den esnan cu ta wak pa e mucha.

Gabinete Wever-Croes I y II, a bin ta trahando constantemente riba leyman y proceduranan pa percura pa castigonan hopi mas severo pa abusadonan. Pero tambe riba prevencion y educacion, cu ta hopi importante. Enfaticamente Prome Minister a expresa di ta condena abuso sexual di mucha y desde su entrada den politica na 2009, el a uni na e causa aki participando na tur marcha pacifico cu tabata tin desde e tempo ey pa e tema aki. Na e comienso di Gabinete Wever-Croes, mesora a nota cu mester a pone prioridad na e veld social, pa cua motibo tambe mesora a cuminsa traha riba e problematica aki.

Minister di Husticia y Asuntonan Social, señor Rocco Tjon, a informa riba e accionnan cu Gabinete Wever-Croes a tuma

contra abuso sexual di menor riba e terenonan di Prevencion, Cuido di victima, Investigacion y Castigo. (Por wak adhunto e grafico)

CAMPAÑA NACIONAL 'MI MESUN HEROE'

Diaranson 31 di augustus anochi, e Campaña nacional 'Mi Mesun Heroe' lo inicia su prome episodio na TeleAruba. E Proyecto aki ta conta cu 52 episodio educativo pa nos muchanan pero sigur tambe pa nos mayornan.

PRIORIDAD NUMBER UN

E problematica aki ta prioridad number un desde di inicio di gobernacion di Gabinete Wever-Croes y ta keda e prioridad number un tur dia pa percura pa nos muchanan wordo protehi. Pasobra nos muchanan ta mira riba adultonan pa protehe nan pa cua motibo Gobierno ta pone esaki como prioridad hopi halto riba agenda den gobernacion. Cu stapnan firme y sigur, nos ta combati e problema di abuso di menor.

**Abuso di mucha ta
condenabel y mester stop
GOBIERNO TA HACI
SU PARTI!
AWOR ABO MESTER
DUNA DI BO PARTI!**

"E realidad di e percentahe di abuso di menor, 99% di abuso sexual di mucha, e abusado ta famia of conoci, ta alarmante. Pero e ta un indicacion fuerte cu banda di leyman, nos mester cuminsa enfoca mas den e famia. Gobierno a y ta haci di su parti. Pero cada ciudadano mester duna di su banda. Prevencion ta den bo man!", Prome Minister Evelyn Wever-Croes a duna di conoce.



CAMPAÑA NACIONAL 'MI MESUN HEROE'

Diaranson 31 di augustus
anochi na TeleAruba.

7:00 PM

Sintonis'e!



Gabinete Wever - Croes II

ACCIONNAN
CONTRA
ABUSO
SEXUAL
DI MENOR !

PREVENCION

CUIDO DI
VICTIMA

INVESTIGACION

CASTIGO

- | | |
|----|---|
| 1 | Meldcode /Codigo di protecion / Signs of safety. |
| 2 | Family Justice Center / Cursonan pa ful e veld social door di European Family Justice Alliance. |
| 3 | Campaña nacional ‘Mi Mesun Heroe’. |
| 4 | MOU entre ful e cadena, caminda ta garantisca cuida psicologico pa e victima y tambe un psicologo pa guia e interrogacion. Di e forma ey e caso cu ta wordo presenta ta mas solido. |
| 5 | “Vertrouwensarts”, medico forensico a wordo apunta y ta specialisando den e materia. |
| 6 | Certificacion di zedenrechercheurs y psicologonan pa studioverhoor di menornan di edad. |
| 7 | A busca tur material nobo pa aregla e studioverhoorruimte. |
| 8 | Guia nobo pa maneha casonan di agresion sexual di parti OM. |
| 9 | Preparando introduccion di ‘recherche psycholoog’. |
| 10 | Castigo maximo a wordo hisa na 2020. |
| 11 | Delito sexual no ta caduca. |

GOBIERNO A Y TA HACI DI SU PARTI.
PREVENCION TA DEN BO MAN!



MINISTER DI FINANSA A PRESENTA E NOTA DI CAMBIO DI FIN DI AÑA 2022 CU TA CONTENE E CAMBIO DI PRESUPUESTO 2022 PA BAH A E DEFICIT PRESUPUESTARIO CU 79.3 MIYON FLORIN

Durante un conferencia di Prensa di Gobierno di Aruba, Minister di Finansa y Cultura Sra. Xiomara Maduro a presenta e Nota di Fin di Aña (Najaarsnota) 2022 cu ta contene e cambianan proponi pa Presupuesto 2022. Conforme e ciclo presupuestario, prome cu fin di e aña Gobierno ta presenta un cambio di presupuesto pa asina haya aprobacion di Parlamento pa e cambianan cu ta presenta durante e aña den gasto y entrada. E aña aki Gobierno a accelera e proceso presupuestario aki teniendo cuenta cu e ultimo consejo di CAFT y e menaza pa Aruba haya un instruccion di Consejo di Minister di Reino.

TA BAH A E DEFICIT PA HACI MENOS DEBE

E mandatario a splica cu gobierno a haci diferente ehercicio pa por baha e deficit cu e meta pa fia menos y traha menos debe pa Pais Aruba. Cu e cambianan presenta e deficit lo baha di 227 miyon florin cu ta 3.9% di nos GDP, pa un deficit di 148 miyon florin cual ta 2.5% di nos GDP.

ENTRADA TA SUBI CU 47.1 MIYON FLORIN

Cu e cambianan presenta, e entradanan den Presupuesto 2022 ta subi cu 47.1 miyon florin. Den e Nota di Fin di Aña 2022 tin especificacion di e cambianan den entrada cu ta trata di, entre otro, impuesto dividendo, Landspakket, subsidio di

salario y deviezenprovisie.

GASTO TA BAH A CU 16.6 MIYON FLORIN

Pa locual ta e gastonan, entre otro, gasto di Personal ta baha cu 7.5 miyon florin, y gasto di Servicio y Producto ta baha cu 13.5 miyon florin. Den total e gastonan den Presupuesto 2022 lo baha cu 16.6 miyon florin.

E DEFICIT LO WORDO REDUCI CU 79.3 MIYON FLORIN

Den e Presupuesto 2022 aproba pa Parlamento di Aruba, e deficit tabata 227 miyon florin cual ta 3.9% di GDP. Cu e cambio proponi lo baha e deficit cu 79.3 miyon y e deficit lo bira 148 miyon florin cual ta 2.5% di GDP.

E LEY PA HACI CAMBIO DEN PRESUPUESTO 2022 TA CANA SU CAMINDA PA PARLAMENTO

Minister Maduro a splica cu e Ley pa haci Cambio den Presupuesto 2022 awo ta cana su caminda pa por yega na Parlamento. Awo e concepto di Ley ta pa bay CAFT y Raad van Advies pa consejo. Asina cu e consehonan wordo ricibi, Gobierno di Aruba lo atende cu e consehonan y despues lo presenta e Ley pa haci Cambio den Presupuesto 2022 na Parlamento pa e wordo trata.



CAMBIO PRESUPUESTO 2022**Entrada ta subi cu 47.1 Miyon Florin**

Impuesto	27.8 miyon florin
Dividendo	7 miyon florin
Landspakket	4.1 miyon florin
Subsidio di Salario	500 mil florin
Mondriaanfonds MANA	100 mil florin
Deviezenprovisie	8 miyon florin

**PRESUPUESTO
2022**

Gobierno di Aruba

CAMBIO PRESUPUESTO 2022**Gasto ta baha cu 16,6 Miyon Florin**

Personal ta baha cu 7.5 Miyon Florin
Servicio y Producto ta baha cu 13.5 miyon Florin

Gasto di 5% pa recorte 12,5%
 Gasto pa programa di Landspakket
 Gasto pa zorgtransport DVG
 Gasto mantencion MANA
 Gasto bankkosten
 Gasto DPS pa docente Papiamento
 Gasto huur Muchilla Creativo
 Gasto Veilige Barrio's
 Gasto Operation Bullseye pa baha wachttijd

**PRESUPUESTO
2022**

Gobierno di Aruba

CAMBIO PRESUPUESTO 2022**DEFICIT**

lo baha cu 79.3 Miyon Florin

PRESUPUESTO 2022

227 Miyon Florin - 3.9% GDP

CAMBIO PRESUPUESTO 2022


148 Miyon Florin - 2.5% GDP

**PRESUPUESTO
2022**

Gobierno di Aruba

CAMBIO PRESUPUESTO 2022**Deficit Presupuestario aña 2010 pa 2023****PRESUPUESTO
2022**

Gobierno di Aruba



AWE A ANUNCIA AUMENTO DI UIKERING PENSIOEN DI BIEHES

Awe Minister Dangui Oduber a anuncia aumento di uitkering di pensioen di biehes. Aña 2020 y aña 2021 tawata e añanan di mas difícil den historia di nos pais.

E pandemia a pone retonan grandi nos dilanti como pais pero hunto den union pais Aruba a surpasa tur. Ora nos a kere cu situacion lo bira miho e guerra na Ukraina a cuminsa y esaki a conduci na inflacion rond mundo y factornan externo cu tin hopi influencia riba Aruba.

Como e Minister encarga cu SVb, naturalmente tin cu pensa riba nos grandinan y con pa yuda nan den e presion cu inflacion a trece cune pa nan.

No obstante tur e retonan di aña 2022, e aña aki ta uno excepcional pa nos turismo y economia. E recuperacion rapido di nos turismo y economia ta bayendo bon.

- **Nos ta superando nivelnan di aña 2019 cual tawata un di e mihor añanan pa pais Aruba. Nos economia lo crece cu double digits e aña aki.**
- **E prome kwartaal banco central a publica cu Aruba su economia a crece cu 16.2%.**
- **Primanen ricibi pa e prome 6 lunanan di e aña aki, a conoce un aumento di 12.2%.**

Tur esaki a conduci cu tin espacio pa ahusta uitkering di pensioen di biehes.

Ta en espera di e cifranan oficial di CBS pa loke ta inflacion pero a tuma e decision caba pa adapta e pensioen di behes entrante 1 di januari 2023 cu minimo 3%. Segun ley, gobierno por adapta e pensioen cu maximo di e aumento den indice di prijs di consumo midi di 1 di sept 2021 pa 31 di aug 2022.

Proyeccion di SVb ta cu e indice di prijs durante e periodo menciona lo ta entre 4.1 pa 5.4%. Na e momentonan aki por indica cu lo ta responsabel un aumento di minimo di 3%. Si e desaroyo den e fondo mehora mas ainda, lo por aumenta algo mas.





**INNOVACION DEN
GOBIERNO TA SIGUI!
SVB A LANSA
MIPENSIOEN APP!**

Minister di Salud Publico sr. Dangui Oduber ta contento di por anuncia cu e Banco Social di aseguradonan esta SVb a lansa un App pa nos pensionadonan. E portal di MiPensioen tabata disponibel caba desde aña 2019, na aña 2020 SVb a digitalisa henter nan proceso, awor den tempo corto ta lansa e tremendo App pa telefon mobil cu yama MiPensioen.

E mandatario a splica cu su vision ta pa brinda un servicio moderno na tur e aseguradonan por medio di innovacion y tecnologia. Cu e App aki SVb lo funciona na un manera mas eficiente treciendo aun mas transparencia pa nos pensionadonan. SVb tin e deber pa administra e fondonan di e pensioen di biehes (Algemene Ouderdomsverzekering of AOV) adecuadamente y cu confiabilidad, pa mantene e fondonan financieramente sostenibel.

Minister Oduber a menciona cu segun e cifranan ricibi for di SVb, esakinan ta indica cu nos grandinan ta uza e portal di MiPensioen. Segun e cifranan na aña 2021 tabata tin 1054 persona cu a pidi pensioen di biehes di cual 922 a uza e portal pa haci esaki. Na aña 2022 (te cu augustus) 630 persona a pidi pa e pensioen y 609 a haci uzo di e portal.

Esakinan ta indicadonan cu ta ilustra cu nos grandinan mas y mas ta uza tecnologia, por mira esaki tambe den graficanan

segun e mandatario.

Danki na tecnologia y innovacion SVb por a yuda personanan cu ta biba den exterior pa keda cobra nan pensioen. Na 2021 SVb a yuda 543 persona via video calling, asina nan a prueba nan mes cu nan ta na bida, pa nan por keda cobra nan pensioen. Minister Oduber ta informa cu e MiPensioen app ta bay haci posibel pa e asegurado wak su entradanan, tambe e por su jaaropgaaf y download esaki pa impuesto, tur esaki den bo planti man. Te cu awor esakinan bo por haci, pero e idea ta pa sigui expande e app pa e por tin mas uzo den futuro.

E pensionado por registra via website of download e app di biaha. Locual mester ta un email address y bo code di AOV. Via e website of via e app e pensionado lo wordo splica stap pa stap con tur cos ta traha.

E mandatario ta felicita e director di SVb sr. Edwin Jacobs y henter e team cu a traha duro pa haci e app MiPensioen un realidad. Minister Dangui Oduber ta contento di con e vision di SVb ta bayendo, tur cos ta canando segun plan.

E mandatario a trece dilanti cu e innovacion di e app sigur lo trece un mehoracion den e servicio cu SVb ta duna y alaves lo facilita nos pensionadonan.





APP "CONTROL DI PRIJS" TA OBTENIBEL PA YUDA E CONSUMIDOR



Minister di Asuntonan Economico, Comunicacion y Desaroyo Sostenibel, mr. Geoffrey Wever, ta informa cu e app "Control di Prys" ta disponibel pa un y tur.


E consumidor ta wordo invita pa hasi uso di e app "Control di Prys". Esaki ta disponibel via App Store y Google Play.

E app "Control di Prys" ta duna e consumidor durante cu e ta haci compras e chens di controla via e app si e prijs di e producto - cu ta cai den canasta basico - ta conforme ley.

Si e prijs ta mas halto cu e prijs indica den e app control di prijs, e consumidor por reporta esaki na e comerciante pasobra ta prohibi cobra un prijs mas halto cu esun indica riba e app. E comerciante tambe por haci uzo di e app pa controla si e prijs cu e la pone riba e producto ta conforme ley.

Pa e lista di tur productonan di cual e prijs ta wordo determina door di gobierno por download e app "Control di Prys" of bishita e website www.deaci.aw

E app "Control di Prys" tambe ta inclui e "Macuto di Compras". E consumidor por uza e app "Macuto di Compras" pa haci comparacion di prijs di cierto productonan na diferente supermercado y minimarket.



“

Ta traha pa baha e
deficit presupuestario
pa evita traha debe
innecesario pa
Pais Aruba.”

Xiomara Maduro

Minister di Finansa y Cultura

f @ | xiomaramaduro.com



Minister di Finansa y Cultura



**Aruba mester
di nos TUR!**





A TRATA DIFERENTE TEMA PA CU ENSEÑANSA DEN SU TOTALIDAD.

Recientemente Minister Endy Croes hunto cu coleganan Minister sr. Glenbert Croes y Prome Minister sra. Evelyn – Wever Croes a reuni cu directora di Enseñansa sra. Anne - Marie Proveyer-de Groot.

Un di e tema cu a wordo trata ta e reunion cu a wordo pidi pa HIAS y UNHCR encuanto e maneho di enseñansa di Gobierno pa cu drechonnan universal di educacion pa muchanan cu ta emigra. HIAS tabata desea di ricibi un presentacion di e mandatario di enseñansa como tambe di Gobierno relaciona cu e tema y maneho en cuestion.

Den cuadro di esaki e mandatarionan a reuni hunto cu Departamento di Enseñansa pa asina alinea e maneho preparando pa e presentacion na HIAS y UNHCR cu ta tuma luga den luna di september.

Un otro punto di agenda ta e subsidionan of asistencia relaciona na educacion cu por haya for di organisacionnan internacional. Finalisando Minister Endy Croes a expresa cu e tabata un reunion exitoso unda a trata diferente temanan di enseñansa den su totalidad.



MINISTER ENDY CROES:

PREMIO EXCELENCIA DEN DEPORTE A RECONOCE SRA. CECILIA A. BALENTIN COMO BALUARTE DEPORTIVO 2021.

Un otro persona cu a ricibi e reconocimiento di Baluarte Deportivo pa Premio Excelencia den Deporte ta sra. Cecilia Balentin di Scherm Amateur Bond.

Desde aña 2007 pa 2022 sra. Balentin tabata responsabel pa organisa e campeonatonan di ful aña pa e atletanan di esgrima na Aruba.

Como tambe sra. Balentin a organisa e demostracionnan di e deporte di esgrima na scolnan basico di Aruba, IBISA San Nicolas y Centro Deportivo Betico Croes cu e meta di promove e deporte di esgrima y tambe recluta deportistanan nobo.

Sra. Cecilia a fungi como entrenador di esgrima, unda a yuda

train e muchanan, guia y siña nan e miho manera pa domina e deporte di esgrima. Y ta percura pa e administracion completo di Scherm Amateur Bond Aruba y prepara e documentonan necesario ora e atletanan tin cu biaha pa competi den exterior. 2014 Youth and Veterans Pan American Championships

Como parti di e directiva di Scherm Amateur Bond Aruba, sra. Balentin a yuda den e organisacion y tabata un pisa clave pa cu e realisacion di e campeonato Pan Americano Hubenil y Veterano 2014 na Aruba.

Premio Excelencia den Deporte y Minister Endy Croes ta felicita sra Cecilia Balentin cu reconocimiento Baluarte Deportivo 2021 danki pe dedicacion amor y aporte den e deporte di esgrima.



TEMPORADA DI CALOR

Nos ta den e temporada di mas calor di aña. Pa reduci riesgo y daño na salud, e puntonan aki ta recomendabel pa haci e efectonan di calor menos!

**Preveni
y Proteha!**

Evita solo



No expone bo mes di mas na rayonan di solo.

**Bebe
hopi
likido**




Awa of juice cu no ta contene mucho suco.

**Bisti
pañã
adecua**



No diki of colornan scur cu ta atrae mas calor.

**Busca
luganan
ventila**



Keda den luganan fresco of den airco.

**Uza
proteccion**



Si bo mester bay den solo, protege bo mes.

**No haci
deporte
den
solo**



Haci actividadnan deportivo mainta of anochi.

**Keda
informa
tur
momento**



Scucha noticianan di canalnan confiabel.

**Pone mas
atencion
riba esnan
di edad**



No laga nan nan so pa mucho tempo.

**Haci
actividad
trankil
cu
muchanan**



Postpone hungamento y actividadnan pafo.

**Controla
mas
esnan cu
tin enfermedad**



Percura cu semper nan ta den aire fresco.

**Cuida bo
bestianan
domestico**



Percura pa nan ta den fresco y duna nan hopi awa

Anthony Rojer:

ARUBA A DEMOSTRA DI TIN BON CAPACIDAD DI BIENTO Y TIN CU TUMA BENTAHA DI DJE



Segun Managing Director di Utilities Aruba NV sr. Anthony Rojer, awor aki ta den un lucha pa combati emision, purba salba e planeta y biba den un medio ambiente mas limpi. Den cuadro di esaki el a comparti algun cifra di e situacion di emision na Aruba y alabes a duna un splicacion tocante e vision pa e proximo parke di molina di biento cu lo wordo ubica na Rincon.

Aruba su planta di electricidad y di awa ta contribui cu 60% di e total di 100% di emision. Transporte – auto, bus y truck nan (gasolin y diesel) ta contribui cu 27% di emision y Landfill Parkietenbos ta contribui cu 13% di emision. Esakinan ta forma 100% di emision cu ta wordo emiti na Aruba. Esaki ta contando e molinanan di Vaderpiet cu ta produci zero emision, pues mester haci algo pa combati e emisionnan aki. E cantidad di emision pa persona na Aruba, cu ta un pais cu ta depende di sector turistico ta 9.3 pa capita, mientras cu paisnan industrial manera Merca ta 16.5, Hulanda ta 9.9, Hapon ta 9.5 y Alemania 8.9. 'Nos mester cuminsa haci algo cu e situacion di emision paso sino e ta bay afecta nos tur,' sr. Rojer ta enfatisa.

Reconociendo e situacion aki, a haci diferente estudio pa bin cu un Masterplan di con por mitiga e situacion aki. Na 2019 a haci un pre-feasibility / un Masterplan pa Aruba su energia. Despues di e resultadonan ey, na 2020 a sinta hunto como grupo, Utilities Aruba, WEB, Elmar y haci diferente ehercicio. Resultado di e estudionan aki, despues cu e acuerdo cu Eagle LNG, a yega na un maximo cu e capacidad di biento nobo cu por wordo instala ta 65 Megawatt (MW) pa bo ta optimal. Solar 15 MW y bateria 20 MW. Tur esaki ta e 'new renewable energy mix'. Cu e mix aki ta reduci e emision na Aruba cu 64%. Cu e resultado di e grupo Utilities-Web-Elmar, nos ta yega na

un Expression of Interest (EOI) pa e grupo.

'Locual cu e EOI aki ta haci ta, invita expertonan den mundo energetico pa por expresa nan interes pa haci oferta di energia. Ora bo bay den un EOI, bo ta haya diferente interesadonan cu ta bin cu diferente prijs y ora cu bo tin un competencia bo prijsnan tin cu mehora y nos tin cu pase pa e consumidor. Paso na final ta e consumidor ta paga e cuenta di coriente y awa,' sr. Rojer a splica.

Hopi hende ta puntra dicon un parke di molina na Rincon, pa cual sr. Rojer ta splica cu un Parke di molina no por ta mas cerca cu 850 meter (straal) di un vivienda. Esaki ta haci cu no por ubica e parke unda cu ta riba nos isla. Rincon ta ubica pariba di nos isla y ta cerca di e parke di molina na Vaderpiet. 'E biento cu tin na Aruba ta un di e miho bientonan na mundo el a demostra den pasado y nos tin cu tuma bentaha di dje.' E motibo cu no ta bay riba lama ta pasobra e awa rond Aruba ta hundo y e parti cu posiblemente por pone molina, ta hopi cerca di Venezuela pues e ta hopi leu di Aruba. Esaki tin como consecuencia cu e ta bira algo hopi costoso.

Berdad ta cu tin otro pais manera na Hulanda tin molina den awa, sinembargo eynan e awa ta mas seco. "Proven Technology" ta land based, pues parke riba tera y ora cu ta den awa te cu 30 meter. Asina cu bay di 30 pa 60 meter y mas hunto, e ta bira "demonstration" y e ta bira un proyecto piloto. Y Aruba no ta den un situacion awor aki pa bay experimenta y pesey a ta aplica locual ta tecnologia comproba.

Sr. Rojer a termina bisando cu esey ta e idea pa cual a bin cu e EOI. Cu ta un proceso habri y transparente pa tur cu lo ta interesa pa participa.

Dia di Fotografia 19 augustus

2022

ISLA
ONLINE



COMPETENCIA DI FOTOGRAFIA



edad: 13-17 aña

Participa y gana sacando potretnan di Aruba

Entrega bo potretnan na

islaonline@gobierno.aw

prome cu dia **31 di augustus 2022.**

Ganadornan lo ricibi un tablet y nan potretnan lo wordo publica henter aña den IslaOnline.



COMPETENCIA DI FOTOGRAFIA

- Tur participante mester entrega tur potret via email na **islaonline@gobierno.aw**
- Tur potret lo mester wordo entrega prome cu dia 31 di Augustus 2022
- No ta acepta niun potret despues di e fecha menciona
- Potretnan mester ta den jpeg, jpg of tiff.
- Un total di 2000 pixels y no mas grandi cu 10 MB
- Cada participante por entrega entre 5 pa 10 potret
- Potretnan mester ta imagennan di Aruba

E siguiente informacion di cada participante ta rekeri na momento di entrega e potretnan:

- Number y fam completo di participante
- Edad
- Adres
- Email
- Telefon
- Titulo di e potret
- Lugar na unda a saca e potret
- Ta permiti haci cambionan basico riba cada potret manera mehoracion di e colornan, filters of “cropping”.
- Potretnan cu ta encera imagennan inapropia, ofensivo of provocativo lo ser descualifica automaticamente



Participantenan lo ser evalua door di un comishon di **IslaOnline**
Lo anuncia e ganadornan via IslaOnline
Fecha cu lo anuncia e ganadornan **dialuna 12 di September 2022**

 **ISLA**
ONLINE

Feliz diaranson!

APESAR DI CAMINDA DIFICIL NOS DILANTI,
NOS POR, HUNTO NOS POR.
NOS POR ENGRANDECE NOS PAIS.
NOS POR FORTALECE NOS PAIS.
NOS POR SIRBI NOS PAIS.
Y HUNTO NOS POR HACI NOS PAIS
FUERTE Y RESILIENTE UN BIAHA MAS.
TA HUNTO SO NOS POR BRINDA
OPORTUNIDADNAN NA NOS
FUTURO GENERACIONNAN.



**20
22** | AÑA DI
INVERSION Y
OPORTUNIDAD

Abu
d
mu
t